

30

5

永昌府秩官志卷三十三

忠烈

諺云時窮見節義世亂識忠臣此語不誠然乎苟金
甌永奠王宇無塵於以贊宏謨襄盛治從容坐鎮安
穩臨民豈非遭逢之盛事哉若夫奸生草澤盜弄潢
池悲笳鳴而哀鴻唳角聲起而風鶴驚於斯時也壯
士枕戈巧宦避路而后知逡巡却步無非識多氣少
之人慷慨捐軀難得為國忘家之彥永昌自設官置

吏以來凡

永昌

備紀之以導揚前烈所著臣子之常實以推

朝廷履忠之典志忠烈

永昌府 保山縣

漢

曹

鸞巴人永昌太守時黨錮甚嚴鸞乃上書曰夫
黨人者或者年淵德或衣冠英賢此宜股肱

王室左右大猷者也而久被禁錮辱在圜圖謀反
大逆尚蒙赦宥黨人何罪獨不開恕乎所以災異

屢見水旱漸臻皆由於斯宜
加原赦以副天心帝怒殺之

樂

巴內黃人順帝時為永昌太守賦性剛直學規
經典靈帝初坐陳寶黨復謫守永昌以自

劾辭不行上書極

諫帝怒下獄殺之

元

張萬家奴

至元間進副都元帥將四川湖南兵征哈刺章時雲南峩昌多興羅羅諸夷皆叛殺

掠使者州郡莫能制遂以其兵討之民為之立祠二十年從征緬戰死雲南王命其子保童將其軍

從征入太公城有功襲副都元帥職

明

董

寶

大理人南詔清平官董成之後洪武間任順寧土經歷清敬慎勤部民居之後以累功遷

大理府土經歷麓川之役多著勞績以死事諭祭

方

政

全椒人正統中官右都督時孟養宣慰使刀賓玉聞弱為麓川酋長思任所逼奔永昌思

任遂屠騰衝據路江寧聞朝廷必政為副將軍偕

請濟師不可乃獨以所部兵夜渡警走緬檢斬首三千餘級乘勝進逼思任於上江而諸君無繼之者頃之夷兵四集政以旂牌取救不至乃遺其子瑛曰汝急歸吾死今日矣瑛泣請政拔劍叱之日無多言將官死分也遂策馬而進馬躓夷兵攢刺為泥麓川事寧以聞贈威遠伯謚忠毅永郡人哀

之立祠以祀焉

顧勇 都指揮同知與方政同時戰死

陳翊 都指揮同知與方政同時戰死

侯義 都指揮同知與方政同時戰死

汪洪 都指揮同知與方政同時戰死

邵謙 臨安衛左所百戶正統間征上江刀招罕寨克破排柵又攻馬鞍山戰歿

葉晟

臨安衛後所百戶性果毅嫻方畧
正統間征上江奮勇殺賊歿於陣

李繼兒

鶴慶衛前所百戶正統六年從征麓川力戰
死子轅痛父死奮入賊營亦死靖遠伯王驥

以事聞詔遣官諭祭贈繼兒武畧將軍副千
戶轅忠顯校尉管軍千戶鎮撫仍錄其子孫

李

轅

繼兒子
見前

蔣承業

嘉靖十九年猛猛賀正攻耿馬姚關守備
陳韜以兵救援把總蔣承業犯陣死之

李

潮

把總

邱

順

鄧子龍與緬酋戰於箐練山緬寇敗走沙州
子龍追及之又敗於控哈把總邱順與李潮

同死於陣

聞清仁

哨官阿坡寨莽谷仇殺南窩百姓負固縱劫
副總兵鄧子龍率兵剿之聞清仁死於陣

吳繼勳 字南松 楚雄衛指揮 掌衛篆 萬厯間 督軍征緬 屢戰屢捷 緬人恨之 孤軍深入 遂陷 時繼

勳年三十 骸骨盡失 事聞 賜祭子起 周襲職

祝維垣

鶴慶千戶 與吳繼勳守 猛林寨 同日死於陣

劉廷標

字霞起 上杭人 永昌通判 丁亥 沙定洲之亂 黔國公沐天波 走永昌 既而流寇孫可望人

滇破定洲 屠臨安 下楚雄 入大理 移檄永昌 索道府印 時王運開以推官署金騰 道廷標以通判署府謀守瀾滄江 以拒賊 天波懼甚 諭標等以印往 二人正色曰 吾二人原非有印官 然印在吾而聽公以印往 是吾亦降也 吾輩受先帝命 官此土 甲申之變 自分死人矣 豈能降賊乎 且吾兩人皆書生 尤義不為屈 公以三百年勳 賊未至 輒謀納款 他日死何面目見祖宗於地下哉 吾兩人在 印不可得 否則待吾兩人死而後可 天波不能強而郡士民恐及禍 成就署請之 標知事不可為 乃遣

其弟廷樞率家人走騰越士民洵洵不已標坐聽
事招衆諭以大義衆益譁甚且以死危之標笑曰
若謂我畏死乎吾欲死久矣因取酒置毒將飲衆
乃散去是夕與運開飲甚懼臨別大聲曰惟有此
路走得是也衆意標欲走矣及明聞運開已死嘆
曰男子哉我老人反後耶遂沐浴焚香撰上毅宗
表又賦詩四章遂自縊客及僕百計阻之不可既
而練絕復蘇容復持之曰天留公也標比之盥漱
正衣冠更以布帛縊死馮馳
為作傳事詳明史詩詳藝文

王運開

字子朗蜀夾江人永昌推官署金騰道印流
寇至大理移檢索永昌道府印時沐天波在

永欲令開等以印往開等不為屈先謂其弟運閔
曰弟未仕義不須死將吾妾俱西勿令此輩在亂
人意也郡之人猶強之不已與通判劉
廷標從容飲笑而別至夜中自縊死之

王運閔

舉人運開之弟隨兄至永時走騰越聞兄訃
聞劉弟廷樞赴永發殯如常弔者哭閔曰此

吾輩布帛菽粟事耳何哭為尋因兵襲沐氏父子
齊官閔閔欣然就道至潞江中流出手字一行付
僕曰吾兄弟豈可作兩樣人耶遂躍入江中沉丈
許復起色怡然眾急救閔揮手止之乃歿讀其字
曰得我骨同吾兄合葬題曰夾江兄弟之墓數日得屍沙岸顏色如生云

劉廷樞

字拱斗上杭人性耿介言行無所苟永昌通判劉廷標之弟流寇孫可望之難廷標死之

賊脅樞以官樞抗志不屈後值己亥兵亂遂撫掌疾呼曰吾與兄何可二其行也與妻張氏同死之時張年二十九先縊其幼子乃與樞皆縊郡人徐宗岳讚曰同兄死難固屬奇男子之為與夫自經愈見烈女子之義今其孫庶壇中式雍正癸卯科第七名舉人庶壇拔貢仕四川蒲江縣知縣庶壇子鐸鑿亦皆舉鄉試第七鑿登進士人咸目以為忠臣之後云

李

選

石屏人貢生崇正間任保山縣教諭癸未三月獄囚叛焚府堂選入救火遇囚諭以大義

為囚
刺死

王應龍

工部尚書桂王入緬應龍追
之不及父子同縊於永昌

者

義

寧州目把從巡撫陳用賓征緬力戰死用賓
弔以詩曰汝乃寧州一楚人英風凜凜霽雲

倫渾身是膽臨場壯誓死無他透骨真戰馬飲江
愁不返寒花滿地為誰擊忠魂塞外孤棲久憐爾

重封奏

紫宸

李君植

瀾滄指揮因公務領軍百餘人入大理值沙
賊圍城植四面應敵後城陷力戰而死其下

百餘人
俱死之

附紀故明從桂王入緬死節死難諸臣

吉王慈燧

聞兵將亂與妃
張氏同縊死

李定國

晉王自磨盤石之敗倉皇追桂王不及有知者謂桂王由茶山入緬定國曰吾焉從從帝

而追及之俱死無益也乃走順甯界入孟艮屢舉欲攻緬迎桂王不克及聞桂王被執旋滇躡躡號哭自擲於地百十次不食者三日憤憤號泣至七日而死

竇民望

泰安伯血戰而死

馬維興

敘國公

姚文相

黃華宇

熊惟賢

俱總兵

朱儀漆

宗室

趙民鑑

王大雄

王國相

吳承應

朱文魁

以上俱錦衣衛

尹襄序班

鄭文遠

李既白

凌雲

吳名失傳俱千戶

吳麻子

百戶以上俱兵圍自縊死者

陳德遠等

內監十八人一排縊死

朱蘊金

通政

姜成德

中軍以上二人由陸路先達緬緬首發兵阻之總兵潘世榮降緬二人遂自縊死

松滋王

名失傳

瑞昌王

名失傳

沐天波

黔國公

馬吉翔 文安侯 馬雄飛 吉翔之弟

蒲纓 綏寧伯

王維恭 張宗伯 勳戚

鄧士廉 吏兵二部尚書

鄧居詔 太常博士

楊載 禮部侍郎

鄔昌琦 河南道御史

任國璽 江西道御史

王祖望 禮部主客司

裴廷謨 儀制司

郭璘 兵部武選司

潘璜 學錄

齊應選 典簿

魏豹 靖東將軍

王自金

安朝柱

王昇

陳謙

王啓隆

龔勳

廣東輔臣郭之奇差齋奏來者以上俱總兵

吳承爵 旗鼓

任子信 錦衣衛指揮使

張拱極

劉相

宋宗宰

劉廣銀 兄弟二人

宋國柱

丁調鼎

以上俱錦衣衛

李國泰

禮司

李茂芳

秉筆

楊宗華

李崇貴

東宮典璽

周盧

曹

沈

楊

五人名失傳俱內監

本朝

固山額真沙里布

順治十六年隨鐸尼入滇追李定國至騰越磨盤山陣亡

明

瑞滿洲人雲貴總督晉將軍於乾隆三十二年

不至反為所困死之公賦性忠愛劾永昌知府陳

大呂採買短價民受其惠其督師也紀律嚴明軍

行至蒲縹宿於帳房適大雨請暫移蕭祠不允蓋

恐兵之擾民也人多頌之因祀其位於名宦祠焉

札勒豐阿

都統

觀音保

護軍統領俱從
明瑞征緬陣亡

阿里衮

滿洲鑲黃旗人鈕祜祿氏乾隆二年以二等
侍衛累遷湖廣總督二十二年襲果毅公爵

二十四年轉叅贊大臣留葉爾羌辦事賜雙眼

花翎後并圖形紫光閣旋加太子太保授戶部尚

書協辦大學士三十三年遷雲貴總督尋授副將

軍時緬苗擾邊乃籌運糧餉千里不匱身居營伍

調集水師皆合度三十四年師至蠻莫擒馘無數

方喋血新街遽以疾卒賜祭葬謚襄壯入祀賢

良祠子四長子豐昇額官戶部尚書襲果毅公餘子俱宦達

班

第

乾隆三十一年官遊擊從征緬甸駐守銅壁關賊至戰死孫士毅綏緬紀事

毛大經

擊遊

徐斌

都司

高乾

守備以上三人皆從征底麻江陣亡孫士毅綏緬紀事

那蘇泰

都司從征緬甸蠻賴陣亡孫士毅綏緬紀事

索柱

永北鎮總兵從征緬甸湖蘆口陣亡孫士毅綏緬紀事

珠魯納

乾隆三十三年征緬參贊珠魯納守木邦屢戰救兵不至賊復大集遂自刎於軍泰孫

士毅綏緬紀事

王昶征緬紀畧